

光緒吉林通志

吉林通志卷八

大事志二

虞帝舜二十五年息慎氏來朝貢弓矢

竹書紀年一

周武王十五年息慎氏來賓

竹書紀年三

周成王九年肅慎氏來朝王使榮伯錫肅慎

成王既伐東夷肅慎來賀王使榮伯作賄肅慎氏金

尙書注疏十八

成周之會正北方稷慎大塵

孔晁注稷慎肅慎也逸周書王會解

康王之時肅慎復至

後漢書東夷傳

挹婁古肅慎之國也漢興以後臣屬夫餘

同上

元朔元年秋東夷葦君南閩等口二十八萬人降爲

蒼海郡

漢書武帝紀

元朔元年濊君南閩等率二十八萬

口詣遼東內屬武帝以其地爲蒼海郡數年乃罷至

元封三年滅朝鮮分置樂浪元菟臨屯真番四部至

昭帝始元五年罷臨屯真番以并樂浪元菟元菟復

徙居句驪自單單大領以東沃沮濊貊悉屬樂浪後

以境土廣遠復分領東七縣置樂浪東部都尉

後漢書東

夷傳

新莽始建國元年班符命於天下其東出者至元菟

樂浪高句驪夫餘

資治通鑑三十七

建武二十五年夫餘王遣使貢獻後漢書光武帝紀光武厚

答報之於是使命歲通東夷傳

永初五年夫餘夷犯塞殺傷吏人安帝紀夫餘王始將

步騎七八千人寇鈔樂浪殺傷吏民後復歸附東夷傳

永寧元年夫餘王遣子詣闕貢獻安帝紀夫餘王遣嗣

子尉仇台詣闕貢獻天子賜尉仇台印綬金綵東夷傳

建光元年高句驪馬韓穢貊圍元菟城夫餘王遣子

與州郡并力討破之安帝紀

延光元年春夫餘王遣子將兵救元菟擊高句驪馬

韓穢貊破之遂遣使貢獻同上句驪王宮率馬韓濊貊

數千騎圍元菟夫餘王遣子尉仇台將二萬餘人與

州郡并力討破之斬首五百餘級

東夷傳

永和元年春正月夫餘王來朝

順帝紀

帝作黃門鼓吹

角抵戲以遣之

東夷傳

延熹四年十二月夫餘王遣使來獻

桓帝紀

永康元年夫餘王元台寇元菟元菟太守公孫域擊

破之斬首千餘級

東夷傳

熹平三年春正月夫餘國遣使貢獻

三國志三十

延康元年夫餘王遣使奉獻

同上

夫餘本屬元菟漢末公孫度雄張海東威服外夷夫

餘王尉仇台更屬遼東時句麗鮮卑強度以夫餘在

二虜之間妻以宗女尉仇台死簡位居立無適子有

孽子麻余位居死諸加

國有君王皆以六畜名官有馬加牛加豬加狗加犬使

共立麻余牛加兄子名位居爲大使輕財善施國人

附之歲遣使詣京師貢獻季父牛加有二心位居殺

季父父子籍沒財物遣使簿斂送官麻余死其子依

慮年六歲立以爲王

同上

挹婁自漢以來臣屬夫餘夫餘責其租賦重以黃初

中叛之夫餘數伐之其人眾雖少所在山險鄰國人

畏其弓矢卒不能服也

同上

魏青龍四年五月肅慎氏貢楛矢

册府元龜九百六十八

正始中幽州刺史母邱儉討句驪遣元菟太守王頥

詣夫餘位居遣犬加郊迎供軍糧

三國志三十

正始中儉以高句驪數侵叛督諸軍步騎萬人出元

菟從諸道討之句驪王宮連破走單將妻子逃竄

東夷

傳云宮

奔沃沮六年復征之宮遂奔買溝

東夷傳云宮奔北沃沮北沃沮一名

置溝婁按買置以字形相似而誤非兩地也

儉遣元菟太守王頥追之過

沃沮千有餘里至肅慎氏南界刻石紀功諸所誅納

八千餘口穿山溉灌民賴其利

三國志母邱儉傳

景元三年四月夫餘國遣使重譯入貢獻其國弓三

十張長五尺五寸楛矢長一尺八寸石弩三百枚皮

骨鐵雜鎧二十領貂皮四百枚

晉書東夷傳冊府元龜魏景元末來貢

楛矢石弩弓甲貂皮之屬魏帝詔歸於相府賜其王俸雞錦厨錦帛

晉泰始六年肅慎侵高句驪屠邊氓王

按是時爲中川王然弗子

藥盧遣弟達賈伐之拔檀盧城殺酋長

朝鮮史略

咸寧三年東夷三國前後千餘輩各帥種人部落內

附晉書武

帝紀

四年春三月東夷六國來獻是歲東夷九國內附

同上

五年十二月肅慎來獻楛矢石弩

同上

太康元年六月東夷十國歸化七月東夷二十國朝



獻二年三月東夷五國朝獻六月東夷五國內附三  
年九月東夷二十九國歸化獻其方物

同上

六年夫餘爲慕容廆所襲破其王依慮自殺子弟走  
保沃沮帝爲下詔曰夫餘王世守忠孝爲惡虜所滅  
甚愍念之若其遺類足以復國者當爲之方計使得  
存立有司奏護東夷校尉鮮于嬰不救夫餘失於機

略詔免嬰以何龕代之

晉書東夷傳

七年八月東夷十一國內附

武帝紀

夫餘王依羅遣詣何龕求率見人還復舊國仍請援  
龕上列遣督郵賈沈以兵送之廆又要之於路沈與

戰大敗之虜眾退羅得復國爾後每爲虜掠其種人  
賣於中國帝愍之又發詔以官物贖還下司冀二州  
禁市夫餘之口

東夷傳

八年八月東夷二國內附九年九月東夷七國詣校  
尉內附十年四月東夷十一國內附是歲東夷絕遠  
三十餘國來獻虜武帝紀頻來朝貢本紀僅載東夷內附貢  
獻而未明載夫餘故凡著  
東夷者盡錄之大事志內

永平元年東夷十七國詣校尉內附

惠帝紀

大興二年八月肅慎獻楛矢石磐

册府元龜九百六十八

咸康六年

石虎建武六年

十月挹婁國

原註一名肅慎氏

遣使通貢

虎召其使而問之答曰每候牛馬向西南眠者三年

矣是知有大國所在故重譯來云

十六國春秋十六後趙錄

永和二年

慕容皝仍稱成康十二年

十一月渡遼將軍恪攻高句

驢拔南蘇置戍而還

十六國春秋二  
十五前燕錄

三年皝遣世子儁及廣威軍渡遼恪折衝慕輿根三將軍率騎萬七千襲夫餘虜其王元及部眾五萬餘

口而還皝署元爲鎮軍將軍以女妻之

同上 按周濟晉略作滅

夫餘

太元九年

慕容垂燕元年

故夫餘王榮陽太守餘蔚率其眾

來降拜餘蔚爲征東大將軍統府左長史仍封夫餘

王

十六國春秋四十四後燕錄

隆安四年

燕慕容盛長樂二年

盛率眾三萬伐高句驪襲其新

城南蘇皆克之

晉書載記春秋云開境七百餘里

按十六國

宋太明三年肅慎國重譯獻楛矢石砮

冊府元龜九百六十八

魏太安三年十有二月扶餘國遣使朝獻

魏書高宗紀

延興五年勿吉國遣使朝貢

冊府元龜作遣使乙力

按勿吉傳

太和初又貢馬五百匹自云其國先破高句驪十落

密共百濟謀從水道并力取高句驪遣乙力支奉使

大國請其可否詔敕三國同是藩附宜共和順勿相

侵擾乙力支乃還從其來道取得本船訊達本國

魏書

勿吉  
傳

太和二年八月丁亥勿吉國遣使朝獻

魏書高祖紀

九年勿吉復遣使侯尼支朝獻明年復入貢

勿吉傳

十二年八月甲子勿吉國貢楛矢石弩

高祖紀

十七年正月勿吉國遣使朝貢

冊府元龜

按魏書勿吉傳作遣使人婆

非等五百餘人朝獻

景明四年八月勿吉國貢楛矢

魏書世宗紀

按勿吉傳作遣使侯力歸

等朝貢

正始四年二月己未勿吉國貢楛矢

同上

高句驪時歲致黃金二百斤白銀四百斤正始中

世祖於東堂引見其使芮悉弗悉弗進日黃金出自夫餘珂則涉羅所產今夫餘爲勿吉所逐涉羅爲百濟所并二品所以不登王府寶兩賊是爲魏書高句驪傳

永平元年二月二年八月三年八月四年八月勿吉

國遣使朝獻

册府元龜九百六十九

延昌元年八月二年九月三年七月四年十月勿吉

國貢楛矢

同上

熙平二年正月勿吉國遣使朝獻是年又貢楛矢同上

神龜元年二月八月勿吉國遣使朝貢同上

東魏天平三年十二月勿吉國遣使朝貢魏書孝靜紀

興和二年六月勿吉國遣使石久云等貢方物勿吉傳

三年勿吉國遣使朝貢册府元龜九百六十九

武定二年四年五年勿吉國遣使朝貢同上

北齊天保五年七月戊子肅慎遣使朝貢北齊書文宣紀

武成帝河清二年三年靺鞨遣使朝貢册府元龜九百六十九

天統元年靺鞨遣使朝貢二年靺鞨遣使朝貢三年

大莫婁靺鞨等國各遣使朝貢四年靺鞨國遣使朝

貢五年大莫婁遣使朝貢北齊書後主紀

武平元年七月靺鞨國遣使朝貢三年勿吉國遣使

朝貢同上

四年六年靺鞨遣使朝貢

冊府元龜九百六十九

隋開皇元年七月靺鞨酋長貢方物

同上

開皇初遣使貢獻高祖詔其使者曰朕聞彼土人庶多能勇捷今來相見實副朕懷朕視爾等如子爾等宜敬朕如父對曰臣等僻處一方道路悠遠間內國有聖人故來朝拜旣蒙勞賜親奉聖顏下情不勝歡喜願得長爲奴僕也其國西北與契丹相接每相劫掠後因其使來高祖誠之曰我憐念契丹與爾無異宜各守境土豈不安樂何爲輒相攻擊甚乖我意使者謝罪高祖因厚勞之令宴飲於前使者與其徒皆



起舞其曲折多戰鬪之容上顧謂侍臣曰天地閒乃

有此物常作用兵意何其甚也

隋書東夷傳

三年四年十二年十三年靺鞨貢方物

冊府元龜九百七十

十八年春二月高麗王元率靺鞨萬餘騎寇遼西營

州總管韋世冲擊走之

北史高麗傳

開皇中粟末靺鞨與高麗戰不勝厥稽部長都塔濟

原作突地稽

率八部勝兵數千人自夫餘城西北舉落內

附置順州以處之

遼史地理志四渠帥度地稽率其部來歸即其事

按隋書煬帝初

大業七年春下詔征高麗八年春詔左十二軍出蓋

馬南蘇元菟扶餘沃沮等道右十二軍出肅慎等道

段文振爲左候衛大將軍出南蘇道於道中上表曰  
脫遇秋霖深爲艱阻兵糧旣竭強敵在前靺鞨在後  
遲疑不決非上策也

資治通鑑一百八十一

遼東之役靺鞨國渠帥度地稽率其徒以從每有戰

功賞賜優厚

隋書東夷傳

十一年正月靺鞨遣使朝貢

冊府元龜九百七十

唐武德二年十月靺鞨酋帥突地稽遣使朝貢突地

稽者靺鞨之渠長也

同上

靺鞨酋帥突地稽武德初遣間使朝貢以其部落置

燕州仍以突地稽爲總管

舊唐書北狄傳按新書黑水靺鞨傳置燕州在貞

觀二年太平寰宇

記作武德三年

五年十一月七年七月靺鞨渠帥阿固郎均來朝九

年四月靺鞨遣使朝貢

冊府元龜  
九百七十

貞觀二年黑水靺鞨臣附

新唐書  
北狄傳

三年十二月靺鞨遣使朝貢五年十一月黑水靺鞨

並遣使朝貢

冊府元龜  
九百七十

高麗令東部大人蓋蘇文者監築長城東北自扶餘

東南至海千有餘里至是十六年乃畢

朝鮮  
史略

六年十一月靺鞨遣使朝貢八年四月靺鞨渠帥來

朝

冊府元龜  
九百七十

十八年上將征高麗秋七月詔遣營州都督張儉等

帥幽營二都督兵及契丹奚靺鞨先擊遼東以觀其

勢

資治通鑑一百九十七

十九年正月靺鞨遣使來賀兼貢方物

冊府元龜九百七十

帝伐高麗靺鞨北部與高麗合高惠真等率眾援安市每戰靺鞨常居前帝破安市收靺鞨三千三百人

悉阮之

新唐書北狄傳

二十一年二月上將復伐高麗以太子詹事李世勣爲遼東道行軍大總管李世勣軍旣渡遼厯南蘇等數城高麗多背城拒戰世勣擊破其兵焚其羅郭而

還

資治通鑑一  
百九十八

永徽五年高麗王藏以靺鞨兵攻契丹爲所敗

文獻通考

三百二

十五

六年新羅訴高麗靺鞨奪其三十六城詔營州都督

程名振率師討之

新書高麗傳  
按通鑑作  
侵新羅北境取三十三城

顯慶三年十二月以左驍衛大將軍渤海都督迴紇

婆濶爲左衛大將軍

册府元龜九  
百六十四

龍朔元年正月鴻臚卿蕭嗣業爲扶餘道行軍總管

以伐高麗

新唐書  
高宗紀

乾封二年高侃尙在新城

元年六月以營州都督高  
侃爲行軍總管同討高麗

泉男建遣兵襲其營左武衛將軍薛仁貴擊破之侃  
進至金山與高麗戰不利高麗乘勝逐北仁貴引兵  
橫擊大破之斬首五萬餘級拔南蘇木底蒼巖三城  
資治通鑑

二百一

總章元年二月李勣等拔高麗扶餘城薛仁貴旣破  
高麗於金山乘勝將三千人攻扶餘城與高麗戰大  
破之殺獲萬餘人遂拔扶餘城扶餘川中四十餘城  
皆望風請服泉男建復遣兵五萬人救扶餘城與李  
勣等遇薛賀水合戰大破之斬獲三萬餘人

同上

渤海靺鞨大祚榮者本高麗別種也高麗旣滅祚榮

率家屬徙居營州萬歲通天年契丹李盡忠反叛祚

榮

新書作祚榮父舍利  
乞乞仲象當從新書

與靺鞨乞四比羽各領亡命

東奔

新書度遼水保太白  
山之東北阻奧婁河

保阻以自固盡忠既死

新書

武后封乞四比羽為許國公乞乞仲  
象為震國公赦其罪比羽不受命

則天命右玉鈐

衛大將軍李楷固

新書有中  
郎將索仇

率兵討其餘黨先破斬

乞四比羽

新書是時仲象已死其子祚  
榮引殘瘡遁去楷固窮蹙

又度天門嶺

以迫祚榮祚榮合高麗靺鞨之眾以拒楷固王師大

敗楷固脫身而還屬契丹及奚盡降突厥則天不能

討祚榮遂率其眾東保桂婁

新書作挹婁  
此作桂疑誤

之故地據

東牟山築城以居之祚榮驍勇善用兵靺鞨之眾及

高麗餘燼稍稍歸之聖歷中自立爲振新書國王遣

使通於突厥

舊唐書北狄傳

中宗卽位遣侍御史張行岌往招慰祚榮遣子入侍

將加册立會契丹與突厥連歲寇邊使命不達

舊唐書北

狄傳

景雲二年十一月靺鞨遣使貢方物

册府元龜九百七十

先天二年遣郎將崔訢往册拜祚榮爲左驍衛員外

大將軍渤海郡王仍以其所統爲忽汗州加授忽汗

州都督自是每歲遣使朝貢

舊唐書北狄傳書云自是始去靺鞨之

號專稱渤海



開元元年十二月渤海王子來朝奏曰臣請就市交易入寺禮拜許之二年二月拂捏靺鞨首領央異蒙

越喜大首領烏施可蒙鐵利部落大首領闕許離等

來朝四年閏十二月靺鞨部落遣大首領來朝賜物

三十段放還蕃拂涅部落遣大首領來朝

冊府元龜  
九百七十

一九百  
七十四

五年拂捏靺鞨並遣使獻方物五月靺鞨遣使來朝

獻方物六年二月靺鞨遣使來朝授守中郎將放還

蕃

同上

七年正月拂捏靺鞨越喜靺鞨並遣使來朝各賜帛

五十正二月拂捏鞞鞞遣使貢方物六月丁卯鞞鞞  
渤海郡三大祚榮卒贈特進賜物五百段遣左監門  
率上柱國吳思謙攝鴻臚卿持節充使弔祭八月大  
拂捏鞞鞞遣使獻鯨鯢魚睛貂鼠皮白兔貓皮同上

祚榮死其國私謚爲高王子武藝立斥大土宇東北  
諸夷畏臣之私改年曰仁安帝賜典冊襲王并所領

新唐書  
北狄傳

八年八月册渤海郡王左驍衛大將軍大武藝嫡男  
大都利行爲桂婁郡王同上

九月遣左驍衛郎將攝郎中張越使於鞞鞞以奚及

契丹背恩義討之也

冊府元龜九百八十六

九年十一月渤海郡靺鞨大首領鐵利大首領拂捏

大首領俱來朝並拜折衝放還蕃

同上九百七十四

十年閏五月黑水酋長倪屬利稽來朝授勃利州刺

史放還蕃九月大拂捏靺鞨如價及鐵利大拂涅買

取利等六十八人來朝並授折衝放還蕃十月鐵利

靺鞨可婁計來朝授郎將放還蕃十一月渤海遣其

大臣味勃計來朝並獻鷹授大將軍賜錦袍金魚袋

放還蕃十二月黑水靺鞨大酋長倪屬利稽等十八

來朝並授中郎將放還蕃

同上九百七十五

十一年十一月越喜靺鞨勃施計拂涅靺鞨朱施蒙  
鐵利靺鞨倪處梨俱來朝並授郎將放還蕃

同上

十二年二月丙申鐵利靺鞨湫池蒙來朝授將軍放  
還蕃越喜靺鞨奴布利等十二人來朝並授郎將放  
還蕃拂涅靺鞨大首領魚可蒙來朝授郎將放還蕃  
乙巳渤海靺鞨遣其臣賀祚慶來賀正賜帛五十疋  
丙辰黑水靺鞨大首領屋作簡來朝授折衝放還蕃  
十二月越喜靺鞨遣使破支蒙來賀正並獻方物

同上

十三年正月辛丑渤海遣大首領烏借芝蒙黑水靺  
鞨遣其將五郎子並來賀正且獻方物授將軍賜紫

袍金帶魚袋放還蕃三月丙午鐵利鞋鞞大首領封  
 阿利等十七人來朝越喜鞋鞞苾利施來朝黑水鞋  
 鞞大首領烏素可蒙來朝拂涅鞋鞞薛利蒙來朝並  
 授折衝放還蕃四月甲子渤海首領竭德黑水鞋鞞  
 諾箇蒙來朝並授果毅放還蕃五月渤海王大武藝  
 之弟大昌勃價來朝授左威衛員外將軍賜紫袍金  
 帶魚袋留宿衛黑水部落職紇蒙等二人來朝授中  
 郎將賜紫袍銀帶金魚袋放還蕃

同上

安東都護薛泰請於黑水鞋鞞內置黑水軍續更以  
 最大部落爲黑水府仍以其首領爲都督諸部刺史

隸焉中國置長史就其部落監領之

舊唐書北狄傳

十四年四月乙丑渤海靺鞨王大都利來朝授左武

衛大將軍員外置留宿衛

冊府元龜九百七十五

十一月渤海靺鞨王遣其子義信來朝獻方物

同上

十五年二月辛亥鐵利靺鞨米象來朝授郎將放還

蕃四月丁未敕曰渤海宿衛王子大昌勃價及首領

等久留宿衛宜放還蕃庚申封大昌勃價襄平縣開

國男賜帛五十疋首領以下各有差先是渤海王大

武藝遣男利行來朝並獻貂鼠至是乃降書與武藝

慰勞之賜綵練一百疋八月渤海王遣其弟大寶方

來朝十月又遣其使來朝並獻方物十一月丙辰鐵  
利靺鞨首領失伊蒙來朝授果毅放還蕃

同上

十六年四月癸未渤海王子留宿衛大都利行卒贈  
特進兼鴻臚卿賜絹三百疋粟三百石命有司弔祭  
官造靈輿還蕃九月壬寅渤海靺鞨於夫須計來朝

授果毅放還蕃

同上

賜黑水靺鞨都督姓李氏名獻誠授雲麾將軍兼黑  
水經略使仍以幽州都督爲其押使

舊唐書  
北狄傳

十七年三月甲子渤海靺鞨王大武藝使其弟大胡  
雅來朝授遊擊將軍賜紫袍金帶留宿衛三月壬寅

渤海靺鞨遣使獻鷹是月又獻緇魚賜帛二十疋遣  
之八月丁卯渤海靺鞨王遣其弟大琳來朝授中郎  
將留宿衛

冊府元龜九  
百七十五

十八年正月戊寅靺鞨遣其弟大郎雅來朝賀正獻  
方物賜帛壬子大拂捏靺鞨來朝獻馬四十匹授武  
衛折衝賜帛三十段留宿衛二月甲戌渤海靺鞨遣  
使智蒙來朝且獻方物馬三十匹授中郎將賜絹二  
十疋緋袍銀帶放還蕃五月己酉渤海靺鞨遣使烏  
那達利來朝獻海豹皮五張貂鼠皮三張馬璫盃一  
馬三十匹授以果毅賜帛放還蕃壬午黑水靺鞨遣



使阿布思利

朝貢門作  
阿布科思

來朝獻方物賜帛放還蕃六

月戊午黑水靺鞨大首領倪屬利稽等十人來朝並

授中郎將放還蕃九月乙丑靺鞨遣使來朝獻方物

賜帛放還蕃

同上

十九年二月癸卯靺鞨遣使賀正授將軍放還蕃已

未渤海靺鞨遣使來朝授將軍賜帛一百疋放還蕃

十月癸巳渤海靺鞨王遣其大姓取珍等百二十人

來朝授果毅賜帛三十疋放還蕃

同上

二十年武藝遣其將張文休率海賊攻登州刺史韋

俊詔遣門藝往幽州徵兵以討之仍令太僕員外郎

金思蘭往新羅發兵以攻其南境屬山阻寒凍雪深

丈餘兵士死者過半竟無功而還

舊唐書北狄傳按冊府元龜作十

年命左領軍將軍蓋福順發兵討之

二十四年

朝貢類作二十三年

三月乙酉渤海靺鞨王遣其弟

蕃來朝授太子舍人員外置賜帛三十疋放還蕃八

月鐵利拂捏越喜俱遣使來朝獻方物十一月癸酉

靺鞨首領聿棄計來朝授折衝賜帛五百疋放還蕃

冊府元龜九百七十五

二十五年正月甲午靺鞨首領九異

朝貢類作木智蒙

來朝

授中郎將放還蕃四月丁未靺鞨遣其臣么伯計來

朝獻鷹鶻授將軍放還蕃八月戊申渤海靺鞨大首領多蒙固來朝授左武衛將軍賜紫袍金帶及帛一

百疋放還蕃

同上

武藝死其國私諡武王子欽茂立改元大興

新唐書北狄傳

武藝病卒其子欽茂嗣立詔遣內侍段守簡往册欽茂爲渤海郡王仍嗣其父爲左驍衛大將軍忽汗州

都督欽茂承詔赦其境內遣使隨守簡入朝貢獻

舊唐

書北狄傳按冊府元龜作二十

年唐會要作二十六年今從唐書

二十六年閏八月渤海靺鞨遣使獻貂鼠皮一千張

乾文魚百口 是年渤海來寫漢書及三國志晉書

三十六國春秋

玉海一百五十三

二十七年二月丁未渤海王遣使獻鷹拂捏鞞

使獻方物渤海王弟大肋進來朝宴於內殿

衛大將軍員外置同正賜紫袍金帶及帛一百

宿衛十月乙亥渤海遣其臣優福子來謝恩授果毅

賜紫袍銀帶放還蕃

冊府元龜九百七十五

二十八年越喜鞞鞞遣其臣野古利鐵利鞞鞞遣其

臣綿度戶俱來獻方物十月渤海鞞鞞遣使獻貂鼠

皮

同上九百七十一

二十九年二月己巳渤海鞞鞞遣其巫失阿利來賀

正越喜靺鞨遣其部落烏舍利來賀正黑水靺鞨遣其臣阿布利稽來賀正皆授郎將放還蕃三月拂涅靺鞨遣首領那奔勃來朝賀正旦且獻方物四月渤海靺鞨遣使進鷹鵠

同上

天寶二年七月癸亥渤海王遣其弟蕃來朝授左領軍衛員外大將軍留宿衛

同上九百七十五

天寶五載渤海遣使來賀正六載正月渤海黑水靺鞨俱遣使來賀正且各獻方物七載正月黑水靺鞨遣使朝貢三月黑水靺鞨遣使獻金銀及六十綜布魚牙紬朝霞紬牛黃頭髮人蔘八載三月渤海遣使

獻鷹九載正月黑水靺鞨遣使賀正三月渤海遣使  
獻鷹十一載十一月黑水靺鞨遣使來朝十二月黑  
水遣使來朝十二載三月渤海遣使賀正十三載正月  
渤海遣使賀正

同上九百  
七十一

天寶末欽茂徙上京直舊國三百里忽汗河之東訖  
帝世朝獻者二十九

新唐書  
北狄傳

寶應元年詔以渤海爲國欽茂王之進檢校太尉上  
代宗大曆二年七月渤海遣使來朝二年八月渤海  
九月靺鞨渤海十一月渤海十二月渤海各遣使朝  
貢三年十二月渤海遣使朝貢七年十二月渤海靺

靺鞨遣使朝貢八年四月渤海遣使來朝並獻方物六月渤海遣使賀正十一月渤海遣使朝貢閏十一月渤海遣使來朝十二月渤海遣使來朝渤海靺鞨遣使朝貢九年正月渤海來朝十二月渤海靺鞨遣使來朝十年正月渤海靺鞨五月渤海六月渤海十二月渤海靺鞨遣使朝貢

册府元龜九百七十二

十二年正月渤海遣使獻日本國舞女一十一人及方物四月十二月使復來

舊唐書北狄傳

二月渤海遣使獻鷹四月靺鞨十二月渤海靺鞨遣

使來朝各獻方物

册府元龜九百七十二

建中元年十月渤海遣使朝貢三年五月渤海遣使

朝貢

同上

貞元時東南徙東京欽茂死私諡文王子宏臨早死

族弟元義立一歲猜虐國人殺之推宏臨子華瑱爲

王復還上京改年中興死私諡曰成王

新唐書北狄傳按紀元

編華瑱立在此

貞元二年

七年正月渤海遣使來朝五月戊辰以渤海賀正使

太常靖爲衛尉卿同正令歸國八月其王子大貞輔

來朝請備宿衛

舊唐書北狄傳

八年閏十二月渤海押靺鞨使楊吉福等三十五人



來朝貢

唐會要

十年正月以來朝渤海王子大清允爲右衛將軍同

正其下三十餘人拜官有差

舊唐書北狄傳

華璵死欽茂少子嵩璘立改年正厯

新唐書北狄傳

十一年二月遣內侍殷志瞻冊大嵩璘爲渤海郡王

舊唐書北狄傳

十二月以靺鞨都督密阿古等二十一人並拜中郎

將放還蕃十四年三月加渤海郡王兼驍衛大將軍

忽汗州都督大嵩璘爲銀青光祿大夫檢校司空進

封渤海郡王依前忽汗州都督初嵩璘父欽茂以開

元二十六年襲其父武藝忽汗州都督渤海郡王左  
金吾大將軍天寶中累加特進太子詹事寶應元年  
進封欽茂爲渤海郡王大厯中又累拜司空太尉及  
嵩璘嗣位但授其郡王將軍嵩璘遣使敘禮故再加

册命焉

唐會  
要

十一月以渤海王姪大能信爲驍衛中郎將虞侯婁  
蕃長都督茹富仇爲右武衛將軍放還

舊唐  
書

十八年正月越喜遣使朝貢二十年十一月渤海遣

使朝貢

册府元龜九  
百七十二

二十一年渤海遣使來朝順帝加嵩璘金紫光祿大

夫檢校司空元和元年加檢校太尉

舊唐書北狄傳

元和元年十二月二年十二月渤海均遣使朝貢

冊府

元龜九百七十二

四年正月命中官元文政往渤海充弔祭冊立使

同上

嵩璘死諡康王子元瑜立改年永德

新唐書

以嵩璘男元瑜爲銀青光祿大夫檢校祕書監忽汗

州都督依前渤海國王

舊唐書唐會要作元和元年

五年正月渤海遣使高才南等十一月遣子大延真

等來朝獻七年渤海遣使來朝貢正月甲申賜渤海

使官告三十五通衣一襲

冊府元龜九百七十六

元瑜死諡定王弟言義立改年朱雀

新唐書

八年正月授元瑜弟權知國務言義銀青光祿大夫

檢校祕書監都督渤海國王遣內侍李重昱使焉

唐書

書

十二月渤海王子辛文德等九十七人來朝丙午宴

渤海使賜以錦綵

冊府元龜九百七十六

九年正月渤海使高禮進等三十七人朝貢獻金銀

佛像各一二月己丑麟德殿召見賜宴有差十二月渤

海遣使獻鷹鷂十二月渤海遣使大孝真等五十九

人來朝

同上

十年正月丁酉詔賜渤海使者卯貞壽等官告放還  
蕃二月甲子賜渤海使大昌慶等官告歸之三月丙  
子賜渤海使官告歸之七月渤海王子大庭俊等一  
百一人並來朝貢同上

是年二月黑水酋長十一人朝貢唐會要

十一年二月渤海遣使朝貢癸卯賜渤海使錦綵銀  
器庚戌授渤海使高宿滿等二十人官授國信以歸  
三月甲戌以錦綿賜渤海使大誠慎等十一月渤海

遣使朝貢

冊府元龜九百七十六

十二年渤海遣使朝貢同上

言義死諡僖王弟明忠立改年太始立一歲死諡簡

王從父仁秀立

新唐書

十三年渤海遣使李繼常等二十六人來朝

冊府元龜

遣使來朝且告哀五月以知國務大仁秀爲銀青光

祿大夫檢校祕書監都督渤海國王

舊唐書

仁秀立改年建興其四世祖野勃祚榮弟也仁秀頗

能討伐海北諸部開大境宇

新唐書

十五年閏正月遣使來朝加大仁秀金紫光祿大夫

檢校司空

舊唐書

二月庚寅對渤海朝貢使於麟德殿賜宴十二月渤

海遣使朝貢

冊府元龜九百七十六

長慶二年正月渤海遣使朝貢

同上

四年二月大叡等五人來朝請備宿衛

舊唐書

按新唐書長慶

中凡四來

寶曆元年三月二年正月渤海並遣使朝貢

冊府元龜

文宗太和元年四月二年十二月三年十二月四年

十二月渤海均遣使朝貢

同上

仁秀死諡宣王子新德蚤死孫彝震立改年咸和明

年詔錫爵

新唐書

五年十一月渤海遣使朝貢六年二月渤海王子大

明俊來朝丙辰對渤海王子大明俊等六人宴賜有

差

冊府元龜九百七十六

七年正月渤海王遣同中書右平章事高寶英來謝

策命仍遣學生三人隨寶英請赴上都學問先遣學

生三人事業稍成請歸本國許之

舊唐書

二月己卯對渤海王子大光晟等六人宴賜有差

冊府

元龜九百七十六

開成元年十二月渤海遣使朝貢二年正月對賀正

渤海王子大明俊等十九人宴賜有差三年二月對

入朝渤海使賜錦綵銀器四年十二月渤海王子大



延廣朝貢

同上

會昌六年正月渤海使朝於宣政殿賚錦綵器皿

同上

彝震死弟虔晃立死元錫立咸通時三朝獻初其王數遣諸生詣京師習識古今制度至是遂爲海東盛

國

舊唐書

天復三年春遼伐女直下之獲其戶三百

遼史太祖紀一

天祐三年遼遣偏師討東北女直之未附者悉破降

之

同上

開平元年五月渤海王子大昭順貢海東物產二年

正月渤海國朝貢使殿中少令崔禮光已下各加爵

秩并賜金帛有差三年三月渤海王大誼謨差其相

大誠諤朝貢進兒女口及貂鼠熊皮等物

册府元龜

乾化元年八月渤海遣使朝賀且獻方物二年五月  
渤海王大誼謨差王子大光贊景帝表並進方物閏  
五月戊申詔以分物銀器賜渤海進貢首領以下遣

還其國

同上

貞明四年

遼太祖神册三年遼史太祖紀及  
屬國表是歲二月渤海遣使來貢

後唐同光二年

遼天贊三年

正月渤海王子大禹謨來朝

貢五月渤海王大誼謨遣姪元讓貢方物庚申賜渤

海朝貢使大元讓等分物有差

册府元龜九百七十二

五月丙午渤海殺其刺史張秀實而掠其民

遼史太祖紀二

五月丙辰渤海國王大諲譔遣使貢方物七月幽州

奏契丹安巴堅東攻渤海九月幽州上言安巴堅自

渤海回軍女直黃頭室韋合勢攻契丹

舊五代史三十二

八月渤海朝貢使王姪學堂親衛大元謙可試國子

監丞九月黑水國遣使朝貢十一月庚寅以黑水國

朝貢兀兒爲歸化中郎將

冊府元龜九百七十六

三年

遼天贊四年

二月渤海國王大諲譔遣使裴瑛貢人

襪松子昆布黃明細布鼠皮被一褥六髮靴革奴子

二熟五月乙卯以渤海國入朝使政堂省守和部少

卿賜紫袍金魚袋裴璆可右贊善大夫

同上

五月己酉黑水女直二國皆遣使朝貢

舊五代史三十二 五代

會要作黑水胡獨鹿遣使朝貢

十二月乙亥遼太祖詔親征渤海大誣謨皇后皇太

子大元帥耀庫濟

原作堯骨

皆從丁酉次商嶺夜圍扶餘

府

續通志四十一

遼天顯元年

後唐明宗天成元年

春正月庚申拔扶餘城誅其

守將丙寅命特哩衮

原作楊隱

安圖

阿古齊

原作阿古只

等將萬騎爲先鋒遇謹讓老相兵破

之皇太子大元帥耀庫濟

原作堯骨

南府宰相蘇北院額

爾奇木

原作夷  
高堇

實納齊

原作斜  
涅赤

南院額爾奇木迪里

原作

是夜圍輝罕

原作

城已巳渤海請降庚午駐軍

於城南辛未謹讓橐索牽羊率僚屬三百餘人出降

上優禮而釋之甲戌詔諭渤海郡縣丙子遣近侍康

末怛等十三人入城索兵器爲邏卒所害丁丑渤海

復叛攻破其城駕入幸謹讓請罪馬前詔以兵衛謹

讓及族屬以出祭告天地復還軍中二月庚寅安邊

鄭頡南海定理等府泊諸道節度刺史來朝慰勞遣

之壬辰以青牛白馬祭天地大赦改元天顯以平渤

海遣使報唐甲午復幸輝罕城丙午改渤海國爲東

丹輝罕城爲天福冊皇太子貝

原作倍

爲人皇王以主

之以皇弟特爾格

原作逃刺

爲左大相渤海老相爲右大

相渤海司徒大素賢爲左大相耶律伊濟

原作羽

爲右

次相赦其國內殊死以下丁未高麗濊貊鐵驪靺鞨

來貢三月戊午遣伊勒希巴

原作夷裔畢

康默記左僕射

韓延徽攻長嶺府三月丁卯幸人皇王宮己巳安邊

鄭頡定理三府叛遣安端討之丁丑三府平壬午安

端獻俘誅安邊府叛帥二人癸未宴東丹國僚佐頒

賜有差甲申幸天福城乙酉班師以大誼譔舉族行

夏四月丁亥朔次織子山辛卯人皇王率東丹國僚

屬辭五月辛酉南海定理二府復叛大元帥耀庫濟  
討之六月丁酉二府平秋七月丙辰鐵州刺史衛鈞  
反乙丑耀庫濟攻拔鐵州庚午東丹國左大相特爾  
格卒辛未衛送大諶謨于皇都西築城以居之賜諶  
謨名曰烏勒呼原作烏魯古妻曰阿勒札里原作阿甲戊次

扶餘府上不豫是夕大星隕於幄前辛巳平旦子城  
上見黃龍繚繞可長一里光耀奪目入於行宮有紫  
黑氣蔽天踰日乃散是日上崩年五十五八月辛卯  
康默記等攻下長嶺府甲午皇后奉梓宮西還壬寅  
耀庫濟討平諸州奔赴行在乙巳人皇王貝繼至太

祖所崩行宮在扶餘城西南兩河之間後建昇天殿

於此而以扶餘爲黃龍府云

遼史太祖紀一

按是年地已屬遼故以遼紀

年而分注後唐於下

太祖攻渤海拔其扶餘城更命曰東丹國命長子突

欲鎮之號人皇王

一日東丹王

先是渤海國王大諲譔本

與奚契丹爲唇齒國太祖初興併吞八部繼而用師

併吞奚國大諲譔深憚之陰與新羅諸國結援太祖

知之集議未決後因遊獵彌旬不止有黃龍在其毳

屋上連發二矢殪之龍墜其前太祖曰吾欲伐渤海

國眾計未定而龍見吾前吾能殺之是滅渤海之勝



兆也遂平其國虜其主

契丹國志一

按遼史天贊四年至五年正月滅渤海

二月卽已改元天顯而國志乃繫此事於天贊六年此誤之大者今從正史取國志所記繫之天顯元年

丁亥契丹述律后使少子安端少君守東丹與長子

突欲奉契丹主之喪將其眾發抹餘城

資治通鑑二百七十五

東丹國人皇王稱制行事改元甘露

歷代建元考按胡三省通鑑

注謂東丹王居扶餘城蓋沿契丹國志之誤

突欲鎮東丹時乃渤海國亦有宮殿被十二旒冕服

皆畫龍象稱制行令凡渤海左右平章事大內相以

下百官皆其國自除授

契丹國志十四

阿保機兵力雄盛東北諸番多臣屬之以渤海土地

相接常有吞併之志下渤海未幾卽死渤海王命其弟率兵攻扶餘城不能克保眾而退

五代會要三十

高麗太祖九年春契丹滅渤海世子大光顯及將軍申德禮部卿大和鈞均老司政大元鈞工部卿大福謨左右衛將軍大審理小將旨豆干檢校開國男樸漁工部卿吳興等率其餘眾前後來奔高麗者數萬戶王待之甚厚賜光顯姓名王繼附之宗籍使奉其

祀僚佐皆賜爵

遼史拾遺一引東國通鑑

是年四月渤海國王大諲譔遣使大陳林等一百一十六人入唐朝貢進兒口女口各三人人獲昆布白

附子及虎皮等七月復使大昭佐領等六人朝貢

五代

會要  
三十

天顯三年春正月己未黃龍府婁尼

原作羅涅

河女直達

囉噶

原作達盧古

來貢

遼史太宗紀上

五月己巳女直來貢

同上

十二月甲寅詔遣耶律伊濟遷東丹民以實東平其民或亡入新羅女直因詔東丹民困乏不能遷者許

上國富民給贍而隸屬之

同上

四年

後唐明宗天成四年

四月辛酉人皇王貝來朝五月癸酉

女直來貢十二月戊申女直來貢

同上

是年五月渤海遣使高正祠入唐貢方物七月以高

正祠爲太子洗馬八月黑水遣使骨至入唐貢方物

册府元龜五代會要  
以骨至爲歸德司戈

五年

後唐明宗  
長興元年

三月辛未人皇王獻白紵又進玉笛

四月乙未人皇王歸國十一月戊申東丹奏人皇王

浮海適唐

遼史太  
宗紀上

初阿保機死長子東丹王突欲當立其母述律遣其  
幼子安端少君之扶餘代之將立以爲嗣然述律尤  
愛德光德光有智勇素已服其諸部安端已去而諸  
部希述律意共立德光突欲不得立長興元年自扶

餘泛海奔於唐明宗因賜其姓爲東丹而更其名曰  
慕華其部曲五人皆賜姓名罕只曰罕友通穆葛曰  
穆順義撒羅曰羅賓德易密曰易施仁蓋體曰蓋來

賓

五代史記  
七十二

是年二月黑水首領兀兒遣使貢於唐

五代會  
要三十

六年後唐長  
興二年三月丁亥人皇王貝妃蕭氏率其國僚

屬來見秋七月丁亥女直來貢冬十月丁丑鐵驪來

貢

遼史太  
宗紀上

是年五月唐青州奏黑水兀兒部至登州賣馬

五代  
會要

十三

十二月辛未渤海使文成角入唐朝貢

册府元龜九百七十二

七年

後唐長興三年

四月己卯女直來貢

遼史太宗紀上按五代史記唐明

宗紀是年正月己酉渤海遣使者來

二月唐青州奏黑水桃李花狀甲父胡獨鹿卒

五代會要

十三

八年

後唐長興四年

春正月戊子女直來貢丁亥鐵驪來貢

遼史太宗紀上

是年七月後唐以渤海使文成角爲朝散大夫右神

武軍長史奏事右錄事試大理評事高保乂爲朝散

郎右驍衛長史並賜金紫

五代會要三十

九年

後唐閔帝應順元年

春閏正月壬戌東幸女直來貢三月

癸卯五月癸丑並來貢

遼史大  
宗紀上

十年

後唐末帝清泰二年

渤海遣使入唐貢方物

冊府元龜九  
百七十二

十一年

後唐清泰三年

三月庚寅四月癸酉女直並來貢

遼史

太宗  
紀上

是年二月後唐以入朝使南海府都督列周道爲檢

校工部尙書政堂省工部卿烏濟顯試光祿卿

五代會要

十三

十二年九月癸亥珠巴克

原作朮  
不姑

女直來貢辛未遣

使鐵驪十一月丁卯鐵驪來貢

遼史大  
宗紀上

會同元年二月戊子鐵驪來貢三月丙寅四月甲申

丁酉六月丙子八月戊子女直並來貢八月庚子鞋

鞞來貢

遼史大  
宗紀下

二年三月戊申女直來貢十一月丁亥鐵驪遣使來

貢

同上

三年春正月庚寅人皇王如來朝

同上

二月壬寅女直來貢乙卯鴨綠江女直遣使來覲六

月乙未朔東京宰相耶律伊濟言渤海相大素賢不

法詔僚佐部民舉有才德者代之九月戊子女直遣

使來貢

同上



四年二月丙午鐵驪來貢十一月丙子鴨淥江女直

來貢

同上

五年夏四月甲寅朔鐵驪來貢以其物分賜羣臣八

月辛酉女直貢方物

同上

六年六月丁未朔十一月甲辰鐵驪並來貢

同上

八年十一月戊戌女直鐵驪來貢

同上

九年春正月丁未六月癸丑女直俱來貢

同上

大同元年春正月癸卯遣趙瑩馮玉李彥翰將三百騎送負義侯及其母李氏太妃婁氏妾馮氏弟重睿子延煦延寶等於黃龍府安置仍以其宮女五十人

內宦三人東西班五十人醫官一人控鶴四人庖丁  
七人茶酒司三人儀鸞三人健卒十人從之同上

辛卯契丹制降晉少帝爲光祿大夫檢校太尉封負

義侯黃龍府安置其地在渤海國界舊五代史八十五契丹國志

云黃龍府卽慕容氏和龍城其說非是說見下條

漢乾祐二年二月徙帝太后於建州自遼陽東南行  
千二百里至建州節度使趙延暉避正寢以館之去

建州數十里外得地五十餘頃帝遣從行者耕而食

之五代史記晉家人傳按資治通鑑注建州南至燕京一千二百四十五里似當在今熱河以北地

故承德府志取之然歐史明云自遼陽東南行千二  
百里則仍在今鄂多里城地爲渤海所置建州無疑

通鑑注及契丹  
國志皆非也

應歷元年十二月壬子鐵驪來貢

遼史穆宗紀上

二年二月癸卯女直來貢夏四月己亥鐵驪進鷹鶻

同上

三年夏四月庚申鐵驪來貢

同上

四年七月渤海國崔烏斯多等三十人歸周

五代會要三十

五年冬十月壬申女直來貢

遼史穆宗紀上

十一年八月女直國遣使貢名馬於宋

續資治通鑑  
技文獻

通考作遣使  
盟突刺朱

十二年八月女直進鼻上毛小兒

續文獻通考  
二百二十六是年

女直遣使只骨入宋貢方物

文獻通考二百二十七

十三年秋八月癸巳女直遣使貢名馬於宋

續資治通鑑二百二十七

十四年夏四月丁巳黃龍府甘露降

遼史穆宗紀下

十八年秋九月以女直詳袞

原作嘉們

原作夏陌爲本部

額爾奇木

原作夷窩墓同上

保寧元年女直首領悉達理並姪阿里歌首領馬撒

鞋並妻梅倫並遣使獻馬及貂皮於宋

文獻通考二百二十七

二年女直遣使朝貢於宋並賫定安國王烈萬華表

同上

四年女直馬撒鞋並首領斫姑貢馬於宋是夏首領

渤海那三人又入貢俄又首領所違勃來貢馬又有  
鐵利王子五戶並母及子弟連沒六温迪門沒勿羅  
附其使貢馬同上

五年五月辛未女直侵邊殺都監達里塔

原作達里送伊

喇

原作鄂囉羅

原作幹里魯

六月庚寅女直宰相及額爾

奇木來朝

遼史景宗紀上

七年秋七月黃龍府衛將雅爾丕勒

原作燕頗殺都監張

琚以叛遣倣史耶律曷里必討之九月敗燕頗於治  
河遣其弟安搏追之燕頗走保兀惹城安搏乃還以

餘黨千餘戶城通州

同上

九年春正月丙寅女直遣使來貢五月己丑女直二

十一人來請宰相額爾奇木之職以次授之冬十月

壬申女直遣使來貢

遼史景宗紀下

十年四月己巳女直遣使來貢

同上

乾亨元年三月辛卯女直遣使來貢

同上

六月渤海帥達蘭罕

原作達懶漢

率部眾來降以達蘭爲

渤海都指揮使

續資治通鑑十

三年宋太宗欲北侵遣詔渤海王發兵相應渤海畏

遼竟無至者

契丹國志六宗太平興國六年

按續資治通鑑十宋太宗將大舉伐遼遣使

賜渤海王詔書令發兵以應約滅遼之日幽薊土宇復歸中朝朔漠之外悉以相與然渤海竟無至者所

載較詳本三年事國志以爲六年非也乾亨無六年

統和二年二月丙申東路行軍宣徽使蕭布琳

原作蒲賓

奏討女直捷乙巳五國威伊濟

原作鳥隈于厥

節度使耶律

威烏克

原作愧注

以所轄諸部難治乞賜詔劍便宜行事

從之夏四月丁亥宣徽使同平章事耶律普甯都監

蕭勤德獻征女直捷秋八月辛卯耶律未只奏女直

珠卜奇

原作朮不直

薩里等八族乞舉眾內附詔納

之

遼史聖宗紀一

三年秋八月癸酉朔命樞密使耶律色珍

原作斜軫

爲都

統駙馬都尉蕭懇德爲監軍以兵討女直閏九月丙

申女直宰相哲伯塔

原作尤不里

來貢十一月丙申東征

女直都統蕭闥覽菩薩奴以行軍所經地理物產來

上同

四年春正月丙子樞密使耶律色珍林牙勤德等上

討女直所獲生口十餘萬馬二十餘萬及諸物壬午

樞密使色珍林牙勤德穆爾古

原作謀魯姑

節度使達林

原作闥覽

統軍使碩羅

原作室羅

侍中穆濟

原作抹只

奚王府監軍

迪烈與安吉等克女直還軍遣近侍尼勒堅

原作尼里古

詔旌其功仍執手撫諭賜酒果勞之

遼史聖宗紀二

五年三月癸亥朔幸長春宮賞花鉤魚以牡丹遍賜



羣臣歡宴累日

聖宗紀三 孫承澤北平古今紀曰 遼有二長春宮一在南京一在長春

州若統和五年三月朔十二年三月十七年正月朔所幸之長春宮則非南京也

六年秋八月丁丑東路林牙蕭勤德及統軍實埒

原作

石擊敗女直兵獻俘瀕海女直遣薩喇勒

原作 魯里 來

朝及修土貢

同上

七年二月乙丑賞南征女直軍使東還丙子以女直

和克岱

原作活骨德

爲本部相

同上

八年春二月壬申女直遣使來貢夏四月庚戌女直

遣使來貢五月庚寅女直宰相阿海來貢封順化王

六月丙辰女直遣使來貢九月乙亥北女直四部請

丙附十二月癸卯女直遣使來貢

聖宗紀四

九年春正月甲戌女直遣使來貢八月戊寅女直進

喚鹿人

同

十年二月壬申烏舍來貢三月甲辰鐵驪來貢七月

辛酉鐵驪來貢冬十月戊寅鐵驪來貢

同上

十二年秋七月丙寅女直遣使來貢十一月戊申朔

鐵驪來貢十二月癸巳女直以宋人浮海賂本國及

烏舍叛來告

同上

按續通鑑十八宋太宗淳化五

年帝再遣使如遼約和弗許於是募人

汎海賂女直及烏舍等部叛之二部不從事在九月

遣使作十二月告在後政和夾攻之約此其先事矣

十三年二月丁丑女直遣使來貢秋七月乙巳朔女

直遣使來貢丁巳烏舍烏哲圖

原作烏  
詔度

渤海雅爾不

勒等侵鐵驪遣奚王和碩鼎

原作和  
碩奴

等討之冬十月

戊子烏舍歸款詔諭之十二月己卯鐵驪遣使來貢

鷹馬

同上

十四年六月辛未鐵驪來貢冬十月戊午烏哲圖乞

內附

同上

十五年春正月癸未烏舍長武周來降戊子女直遣

使來貢三月庚寅烏舍圖以地遠乞歲時免進

鷹馬貂皮詔以生辰正旦貢如舊餘免六月丙申鐵

驪來貢

同上

十六年三月甲子女直遣使來貢五月庚辰鐵驪來

貢

聖宗紀五

十七年六月烏舍烏哲圖來貢

同上

二十年春正月辛酉女直宰相伊爾岱

原作夷  
高宗

來貢

二月丁丑女直遣其子來朝四月戊子鐵驪遣使來

貢

同上

二十一年春三月戊午鐵驪來貢夏四月乙丑

宏簡錄作

戊辰女直遣使來貢戊辰烏舍渤海鄂羅木

原作奧  
里米伊

喀圖

原作越  
里篤

伊喀濟

原作越  
里古

等五部遣使來貢

同上

二十二年春二月乙卯朔女直遣使來貢秋七月丁

亥烏舍富珠哩原作論奴里博和哩原作割阿里伊喀圖鄂羅

木等部來貢九月丙午女直遣使獻所獲烏哲圖妻

子同上

二十三年夏四月丙戌女直遣使來貢乙未鐵驪來

貢七月丁卯女直遣使來貢同上

二十八年冬十月丙午朔女直進良馬萬匹乞從征

高麗許之聖宗紀六長編俱云契丹征高麗道由女直女直復

與高麗合兵拒之契丹大喪師而還遼史不載蓋諱之也

開泰元年正月癸未長白山三十部女直首領來貢

乞授爵秩丁亥女直太保佛甯原作薄撚等來朝八月丙

申鐵驪納蘇原作那沙等送烏舍百餘戶至賓州賜絲絹

納蘇乞賜佛像儒書詔賜護國仁王佛像一易詩書

春秋禮記各一部同上

三年春正月丁酉女直鐵驪遣使來貢同上

四年夏四月己巳女直遣使來貢同上

十一月癸酉女直貢於宋續通鑑十八

七年春三月辛丑命東北伊勒圖原作越里篤博和哩原作

割阿鄂羅木原作奧里米富珠哩原作蒲奴里鐵驪等五部歲

貢貂皮六萬五千馬三百聖宗紀七

秋七月丁卯富珠哩部來貢九月庚申佛甯國使奏

本國與烏里國封壤相接數侵掠賜詔諭之

同上

八年春正月壬戌鐵驪來貢三月己卯詔加征高麗  
有功渤海將校官癸未輝發太保塔喇噶來貢丙戌  
置東京渤海承奉官都知押班五月乙亥遷甯江州  
渤海戶於遼土二河之間秋七月己巳輝發大保莽

密來貢

同上

太平元年夏四月戊申東京留守奏女直三十部部  
長請各以其子詣闕祇候詔以其父俱來受約

同上

二年春三月甲戌如長春州五月庚辰鐵驪遣使獻

烏舍十六戶

同上

四年春正月庚寅如鴨子河二月己未獵塔魯

原作捷魯

河詔改鴨子河曰混同江塔魯河曰長春河

同上

五年春正月乙酉如混同江是月如魚兒灤

以後歲爲常事

不借書特發其凡於此

三月如長春河魚兒灤其水一夕有聲

如雷越沙岡四十里別爲一陂

聖宗紀八

六年春二月己酉以默勒濟同知樞密院黃翩爲兵

馬都部署達庫濟副之覆實

原作赫石

爲都監引軍城混

同江蘇默

原作疏木

河之間黃龍府請建保障三烽臺十

詔以農隙築之東京留守巴格

原作八哥

奏黃翩領兵入

女直界徇地俘獲人馬牛豕不可勝計得降戶二百



七十詔獎諭之夏四月戊申博羅滿達勒部多烏舍

戶詔索之

同上

七年春正月辛亥以女直伯埒

原作為白樓

為特哩袞佛門

原作為蒲馬

原作為嚴母

部太師甲寅博羅滿達勒部遣使

來貢

同上

八年九月壬辰朔以渤海宰相羅漢權東京統軍使

同上

九年秋八月東京錫里

原作為舍利

軍詳袞大延琳反號其

國為興遼年為天慶所遣召黃龍府黃刷者告變渤

海太保夏行美亦舊主兵戊保州延琳馳書使圖統

帥耶律博諾

原作蒲古

行美以實告博諾得書遂殺渤海

兵八百人而斷其東路時南北女直皆從延琳

同上

十二月興遼國太師大延定引東北女直與契丹相

攻遣使乞援

遼史拾遺八引東國通鑑

十年十一月詔渤海舊族有勳勞材力者敘用餘分

居來隰等州

聖宗紀八

景福元年冬十月振黃龍府饑

續文獻通考二百二十

重熙二年春正月壬辰女直詳袞塔鴉克

原作臺押

率所

部來貢

遼史興宗紀一

六年秋八月北樞密院言伊埒濟

原作越棘

部民苦其酋

帥坤長不法多流亡詔罷伊埒濟等五國酋帥以契

丹節度使一員領之

同上

八年冬十一月己酉城長春

同上

九年十一月甲子女直侵邊發黃龍府鐵驪軍拒之

同上

十年二月庚辰朔詔博囉滿達勒部歸哈斯罕戶之

沒入者使復業

與宗紀二

十二年夏四月己亥置輝發詳袞都監五月辛卯博

囉滿達勒部來貢失期宥而遣還

同上

十三年夏四月己酉遣東京留守耶律活善

原作侯晒知

黃龍府事耶律烏魯斯

原作歐里斯

將兵攻博囉滿達勒

部同

十五年春二月丙寅博囉滿達勒界海蘭

原作曷懶

河戶

來附詔撫之夏四月壬戌以北女直詳袞齋郭囉

原作

高六爲奚六部大王甲戌博囉滿達勒海蘭河百八十

戶來附秋七月丁未以女直部長札穆

原作庶母

率眾來

附加太師十一月己亥括渤海部軍馬

同上

十六年冬十月庚午鐵驪星莽

原作仙門

來朝以始入貢

加右監門衛大將軍十二月辛丑朔女直遣使來貢

興宗  
紀三

十七年夏四月甲申博囉滿達勒部大王佛尙

原作蒲葦

以造舟人來獻六月辛卯長白山太師察克

原作紫曷輝

發部太師薩喇圖

原作撒刺都

來貢方物秋七月丁亥伯

哩八部伊勒希巴和費延等內附八月戊子以耶律

義先爲行軍都部署夏行美副部署耶律珠展爲監

軍長伐富珠哩酋托多羅

同上

十八年正月丙辰耶律義先奏富珠哩捷二月乙酉

執托多羅以獻五月甲辰五國酋長各率其部來附

庚戌輝發部長烏達台吉

原作兀送臺札

等來朝戊午五國

節度使耶律仙童以降烏爾古

原作烏古

叛人授左監門

衛上將軍同上

十九年夏四月壬申博囉滿達勒部特哩袞錫都原作

信薦來貢六月壬申輝發博囉滿達勒部各遣使貢馬

同上

二十一年六月遣使詣五國諸部捕海東青鶻續通志四

十五按此事  
遼史本紀不載

二十二年閏七月長春州置錢帛司興宗紀三

二十四年春正月癸亥如混同江二月癸巳如長春

河三月癸亥皇太弟重元生子曲赦行在及長春鎮

北二州徒以下罪同上

清甯二年冬十一月戊戌以北院大王耶律仙童知

黃龍府事

遼史道宗紀一

三年春正月乙未五國部長來貢方物

同上

四年城鴨子混同二水間

宏簡錄二百十李儼傳

六年六月戊午朔以東北路女直詳袞高家努

原作高家

奴爲特哩袞

道宗紀一

七年冬十一月壬午以知黃龍府事耶律阿勒札

原

阿里同上爲南院大王

本傳南院作北院

咸雍五年冬十一月丁丑五國博和哩部叛命蕭素

颯討之十二月甲戌五國來降仍獻方物

道宗紀二

六年冬十月丁卯五國部長來朝同上

七年春二月乙丑女直進馬三月己酉以討五國功

加知黃龍府事蒲延懷化軍節度使高元紀易州觀

察使高正並千牛衛上將軍五國節度使蕭托斯和

原作陶甯江州防禦使大榮並靜江軍節度使是歲

蘇幹 春州斗粟六錢同上

八年三月癸卯有司奏春泰甯江三州三十餘人願

爲僧尼受具足戒許之道宗紀三

太康元年二月祥州火遣使恤災同上

二年春二月戊子振黃龍府饑同上



四年九月庚子五國部長來貢

同上

六年六月庚戌女直遣使來貢

道宗紀四

七年春正月戊申五國部長來貢甲寅女直貢良馬

同上

八年春正月丁酉鐵驪五國諸長各貢方物三月庚

戌黃龍府女直部長鐘鼎

原作尤

乃率部民內附予官賜

印綬

同上

九年九月辛未五國部長來貢

同上

十年夏四月丁丑女直貢良馬

同上

大安元年春正月庚戌五國酋長來貢良馬

同上

二年春正月己酉五國諸部長來貢三月乙酉女直

貢良馬冬十月丙戌五國部長來貢同上

三年春三月庚辰女直貢良馬道宗紀五

四年春正月甲子五國部長來貢二月甲午曲赦春

州役徒終身者皆五歲免己亥如春州赦泰州役徒

五月己未振春州貧民

同上按去簿錄作正月丁丑曲赦春泰等州三月己巳

振春州與史異

六年春三月辛未女直遣使來貢同上

八年十一月丁酉通州潦水害稼遣使振之同上

十年夏四月辛亥休格

原作朽哥奏伯哩八部來侵擊破

之上

壽隆元年夏四月己亥女直遣使來貢秋七月癸丑伯哩八部來附進方物十一月丙申女直遣使進馬

道宗紀六

二年秋八月己丑伯哩八部進馬

同上

三年八月己亥博囉滿達勒部長率其民來歸九月己卯五國部長來貢十一月乙卯博囉滿達勒部來

貢

同上

五年六月乙未五國部長來朝

同上

六年冬十月癸卯五國諸部長來貢十二月乙未女

直遣使來貢庚申鐵驪來貢

同上

乾統元年秋七月癸亥鐵驪來貢

遼史天祚帝紀一

是歲生女直部節度使英格

原作揚割

死傳于兄之子武

雅淑

原作烏雅束

淑死其弟阿固達

原作骨打襲續通志四十六

二年冬十月乙卯蕭哈里

原作海里

叛命北面林牙赫嘉

努捕之蕭哈里亡入拜珠

原作陪尤

水阿克展原作阿典部天祚

紀一

三年春正月女直兩蕭哈里首遣使來獻

同上

初契丹國舅帳蕭哈里聚眾爲盜潛奔女直因命英格圖之遷延數月獨斬哈里遣阿固達獻其首級餘

悉留不遣

大金國志一

九年夏四月壬午五國部來貢

天祚紀一

十年夏四月丙子五國部長來貢

同上

天慶元年春三月乙亥五國部長來貢

同上

二年春正月己未朔如鴨子河丁丑五國部長來貢

二月丁酉如春州幸混同江釣魚生女直酋長在千

里內者以故事皆來朝適遇頭魚宴酒半酣上臨軒

命諸酋次第起舞獨阿固達辭以不能諭之再三終

不從他日上謂樞密使蕭奉先曰前日之宴阿固達

意氣雄豪願視不常可託以邊事誅之否則必貽後

患奉先曰麤人不知禮義無大過而殺之恐傷向化之心假有異志又何能爲同上

阿固達有弟姪曰武奇邁

原作吳乞買

尼雅滿

原作瑚寶粘罕

原作胡舍 天祚歲入秋山數人必從善作鹿鳴呼鹿使

天祚射之或刺虎或搏熊天祚喜輒加官爵後至圍場司差遣者有之阿固達會釣魚而歸疑天祚知其

異志卽欲稱兵遂併吞諸鄰近部族有卓克算

原作趙三

阿古齊

原作阿鶻產

者拒之不從阿固達虜其家二人來

訴於咸州詳袞司送北樞密院時樞密使蕭奉先懼其生事但作常事以聞天祚指揮就送咸州取勘欲

使自新阿固達竟託病不至

契丹國志十

三年春三月阿固達率五百騎突至咸州赴詳袞司與卓克算等面折庭下阿固達不屈送所司問狀一夕遁去遣人訴於上謂詳袞司欲見殺故不敢留自是召不復至

天祚紀一

四年春正月如春州初女直起兵以赫舍哩

原作統石烈

部人阿疎

原作阿蘇

不從遣其部薩哈

原作撒改

討之阿疎弟

迪固布

原作狄故保

來告詔諭使勿討不聽阿疎來奔至

是女直遣使來索不發秋七月女直復遣使取阿疎不發乃遣侍御愛實布

原作阿息保

問境上多建城堡之

故女直以慢語答曰若還阿疎朝貢如故不然城未

能已遂發渾河北諸軍益東北路統軍司阿固達乃

與弟尼瑪哈

原作粘罕

呼實

原作胡舍

等謀以尼楚赫

原作銀朮割

伊呀

原作移烈

羅索

原作婁室

棟摩

原作闐母

等爲帥集女直諸部

兵擒遼障鷹官及攻甯江州東北路統軍司以聞時

上在慶州射鹿聞之略不以介意遣海州刺史高仙

壽統渤海軍應援蕭托卜嘉

原作撻不也

遇女直戰於甯

江東敗績

同上

九月女直攻破甯江州先是州有樵場女直以北珠人獲生金之類爲市州人抵其值且拘辱之謂之打



女真州既陷殺之無遺類獲遺兵甲馬三千退保長

白山之阿朮火阿朮火者女真所居之地以河爲名

也

契丹國志十

十月守司空

契丹國志守司空下有殿前都檢點五字

蕭嗣先爲東北路

都統靜江軍節度使蕭托卜嘉爲副發契丹奚兵三

千人中京禁軍及土豪二千人別選諸路武勇二千

餘人以虞候

契丹國志作中京虞候

崔公義充都押官控鶴指

揮

契丹國志作侍衛都指揮使商州刺史

邢穎副之屯出河店兩軍對

壘

契丹國志作臨白江與甯江女真對壘

女真軍潛渡混同江掩擊遊

眾

契丹國志云掩其不備未陣擊之

蕭嗣先軍潰崔公義邢穎耶律

佛哩

原作佛留

蕭噶克寶

原作葛十

等死之其獲免者十有七

人

天祚一紀

十一月壬辰都統蕭敵里等復營沃校

原作幹鄰

樂東爲

女直所襲死者甚眾

同上

國舊例凡關軍國大事漢人不與天祚自兩戰之敗意爲蕭奉先不知兵始欲改用將帥遂召宰相張琳吳庸等付以東事用漢軍十萬降宣劄付上京長春諸路計人戶家業錢每三百貫自備一軍時富民有出一百軍二百軍者琳等皆非將帥才器甲聽從自便人人就易槍刀毳甲充數弓弩鐵甲百無一二襍

以番軍分出四路北樞密副使耶律幹里朵涑流河  
路都統衛尉卿蘇壽吉副之黃龍府尹耶律宵黃龍  
府路都統桂州觀察使耿欽副之復州節度使蕭湜  
格咸州路都統將作監龔誼副之左祇候郎君詳袞  
蕭和古好草峪都統商州團練使張維協副之獨涑  
流河路一軍深入遇女直交鋒稍卻走還其營幹里  
朵以爲漢軍遁卽領契丹兵棄營而奔漢軍尙餘三  
萬餘推將作少監武朝彥爲都統再與女直戰遂大  
敗餘三路間之各退保其城悉爲女直攻克

契丹國志十參

大金國志一北

盟會編二十一

十二月咸賓祥三州及鐵驪烏舍皆叛入女直伊實

原作

乙薛往援賓州南軍諸將實喇

原作

圖烈

原作

特烈等往

援咸州並爲女直所敗

天祥紀一

五年春正月遣僧嘉努

原作僧家奴

持書約和阿固達遣

賽刺復書欲歸叛人還黃龍府於別地然後議之幹

里朵等與戰于達里庫

原作達魯古

城敗績三月遣耶律

章嘉努

原作張家奴

等齋書斥阿固達名冀其速降夏六

月壬子使還復書亦斥上名速降如之癸丑詔諭諸

道車駕親征是月遣蕭色堦

原作

辭刺使女直以書辭不

合見留

宏簡錄二百六

七月都統幹里朵等與女直戰于白馬濼敗績八月

丙寅以圍場使鄂博

原作阿不

爲中軍都統耶律章嘉努

原作張家奴

爲都監率番漢兵十萬蕭奉先稱御營都統

諸行營都部署耶律章努

原作章奴

爲副以精兵二萬爲

先鋒餘分五部爲正軍貴族子弟千餘人爲硬軍扈

從百司爲護衛軍北出駱駝口以都檢點蕭呼塔噶

原作胡視姑

爲都統樞密直學士柴誼爲副將漢步騎三

萬南出甯江州路自長春州分道而進發數月糧期

必滅女直

天祥紀二

九月丁卯朔女直軍陷黃龍府已巳色埒

原作

還女

直復遺賽刺以書來報若歸我叛人阿疎等卽當班

師上親征尼雅滿

原作枯罕

烏珠

原作兀木

等以書來上陽爲

卑哀之辭實欲求戰書上上怒下詔有女直作過大

軍翦除之語阿固達聚衆以刀割面仰天慟哭曰始

與汝等起兵蓋苦契丹殘忍欲自立國今主上親征

奈何非人人死戰莫能當也不知殺我一族汝等迎

降轉禍爲福諸軍皆曰事已至此惟命是從

同上按大金

國志載此事作諸軍皆拜曰事已至此當誓死一戰較之史文爲合

冬十一月命駙馬蕭特默林牙蕭察喇等將旗兵五

萬步卒四十萬親軍七十萬至駝門十二月戊申親

戰於護步答岡敗績盡亡其輜重

同上

女真兵馬會契丹未陳三面爭擊之天祚御旗向西  
南出衆軍從而敗潰天祚一日夜走三百里退保長

春州

北盟會編  
二十一

六年七月春州渤海二千餘戶叛東北路統軍使勒

兵追及盡俘以還

天祚  
紀二

七年正月女直軍攻春州東北面諸軍不戰自潰孟

古

原作  
女古

皮室四部及渤海人皆降

同上